



SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "Buna Market" Sh.P.K. të datës 19.06.2023 kundër njoftimit për kontratë dhe dosjes së tenderit lidhur me aktivitetin e prokurimit me titull "78 Renovimi dhe mirëmbajtja e IEAA - gëlqerosja" me nr. të prokurimit 616-24-5609-5-2-1, Komuna e Prishtinës (Autoriteti Kontraktues) përmes zyrtarit përgjegjës të prokurimit nxjerr këtë:

V E N D I M

- I. **REFUZOHET** si e pabazuar kërkesa për rishqyrtim e operatorit ekonomik "Buna Market" Sh.P.K. të datës 19.06.2023 kundër njoftimit për kontratë dhe dosjes së tenderit lidhur me aktivitetin e prokurimit me titull "78 Renovimi dhe mirëmbajtja e IEAA - gëlqerosja" me nr. të prokurimit 616-24-5609-5-2-1.
- II. **LEJOHET** autoriteti kontraktues që të vazhdoj me aktivitetin e prokurimit me të dhënat si në pikën I të këtij vendimi.
- III. **NJOFTOHEN** të gjitha palët e interesuara lidhur me këtë vendim përmes publikimit në platformën E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

Arsyetim

Operatori ekonomik "Buna Market" Sh.P.K. (tutje "parashtruesi") me datë 19.06.2023 ka paraqitur kërkesë për rishqyrtim kundër njoftimit për kontratë dhe dosjes së tenderit lidhur me aktivitetin e prokurimit me titull "78 Renovimi dhe mirëmbajtja e IEAA - gëlqerosja" me nr. të prokurimit 616-24-5609-5-2-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet e parashtruesit janë cituar si në vijim: "AK ka vendos kritere te cilat per nga permbajtja e puneve qe do te realizohen nga kjo kontrate jane te pa nevojshme dhe shkaktoje vetem kufizim te konkurences. Kërkesat mbi mundësitë teknike dhe/ose profesionale AK kerkon qe pjese e stafit te jete nje parkeshtues, ndersa ne paramsen per kryerjen e puneve nuk ka asnje pozicion per realizimin e parketit. AK kerkon qe pjese e stafit te jete nje armirues ndersa ne paramsen per kryerjen e puneve nuk ka asnje pozicion per realizimin e armatures. AK kerkon qe pjese e stafit te jete nje Injiniier i Hidros ndersa ne paramsen per kryerjen e puneve nuk ka anje pozicion per realizimin e puneve hidroteknike".

Lidhur me pretendimet ankimore të parashtruesit, fillimisht duhet cekur se përmes nenit 10 paragrafit 10.3 të RRPP është përcaktuar se njësia kërkuese ndër të tjera ka përgjegjësinë për të përgatitur detyrën projektuese, projektin, specifikimet teknike, termat e referencës, paramasën dhe parallogarinë. Tutje përmes nenit 11 paragrafit 11.3 të RRPP përcaktohet se zyrtari i prokurimit ndër të tjera në bashkëpunim me njësinë kërkuese i koordinon dokumentet, projektet, specifikimet, termat e referencës, paramasat, parallogaritë dhe vizatimet.

Të gjitha kërkesat e dosjes së tenderit janë përcaktuar në koordinim të plotë me njësinë kërkuese. Si të tilla këto kërkesa të dosjes së tenderit jo vetëm që janë në përputhje të plotë me qëllimin e projektit dhe nevojat e njësisë kërkuese, por janë edhe të domosdoshme që të realizohet me sukses, pra në mënyrë efikase dhe efektive kontrata që synohet të lidhet përmes këtij aktiviteti të prokurimit.

Në anën tjetër parashtruesi nuk ka prezantuar asnjë argument pse këto kërkesa të dosjes së tenderit nuk janë të lejuara sipas LPP në fuqi duke mbështetur argumentet në prova apo dëshmi konkrete. Kërkesat për stafin janë absolutisht të domosdoshme pasi që AK nuk mund të rrezikoj që të dështoj realizimi i kontratës për shkak se kontraktori nuk e posedon një punonjës të njërit profil ose të tjetrit profil që do të mund të jenë të nevojshëm për realizimin e kontratës si tërësi. Sa i përket aludimeve të parashtruesit për kufizim të konkurencës, pikërisht për këtë arsye AK gjithmonë kur janë në pyetje kërkesat për stafin, lejon që OE të ofertojnë edhe me marrveshje për angazhim të destinuara për projektin ku ata tenderojnë.

Vlen të thuhet se parashtruesi në rast se ka paqartësi apo pyetje lidhur me mënyrën e formulimit të kërkesave të caktuara në dosjen e tenderit, atëherë mund të parashtroj kërkesë të re për sqarime shtesë duke përdorur formularin e KRPP – B47 Letër standarde e kërkesës për sqarimin e tenderit ose të referohet të sqarimet që tanimë mund të jenë bërë nga AK. Formulari i kërkesës për rishqyrtim (F02) nuk është i destinuar për veprime juridike përtej atyre që janë përcaktuar sipas nenit 59, 60 et. al. të RRPP. Përndryshe çdo operator ekonomik e mbanë përgjegjësinë e plotë për gabimet eventuale me rastin e ofertimit në një aktivitet të prokurimit.

Nga sa u tha më sipër është gjetur se parashtruesi nuk ka paraqitur argumente të qëndrueshme për të mbështetur pretendimet e tij. Prandaj kërkesa për rishqyrtim e parashtruesit është refuzuar si e pabazuar në tërësi.

Për pikën I dhe II të këtij vendimi është vendosur duke u bazuar në nenin 63 par. 63.1.1. lidhur me nenin 62 par. 62.1. të RRPP.

Për pikën III dhe IV të këtij vendimi është vendosur duke u bazuar në nenin 63 par. 63.2. të RRPP.

Bazuar në të thënat më sipër është vendosur si në dispozitiv të këtij aktvendimi.

Prishtinë, 24.06.2024

Visar SHEHU
Udhëheqës i Sektorit të Prokurimit
Komanda e Prishtinës



Këshillë juridike:

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.